

《佛說觀無量壽佛經》 補充講表

◎附表四：

○在王舍城，耆闍崛山中。（處成就）

※《楞嚴文句》卷第一云：「在者，示跡此間；行住坐臥，總名為在。」

※《占察善惡業報經義疏》卷上云：「王舍城，耆闍崛山者，王舍，梵稱羅閱祇伽羅，中

天竺境，阿闍世王所都。耆闍崛，此翻靈鷲，離王舍城東北

有三四里，此城此山，乃同居土一切眾生共相識種所變器界。」

○與大比丘眾（眾成就）（以下糅合《楞嚴文句》）

※《楞嚴文句》卷第一云：「大者，梵語摩訶，具大、多、勝三義。器量尊重，為天王等

大人所敬，故言大。遍知內外經書，故言多。超出九十五種外道，故言勝。今稱

為大，即攝多勝二義。比丘含三義：一、怖魔。二、破惡。三、乞士。或翻除饑。」

◆除饑者：清淨持戒，能為人世福田；能作清淨法施，除一切眾生無福無慧二種饑也。

◆眾：梵語僧伽，此云：和合眾。和合有二義：

一、理和：謂同證無為解脫（約淨土法門，即同證念佛三昧之意）。

二、事和：謂戒和同修，見和同解，利和同均，身和同住，口和無諍，意和同悅。

眾：四人以上之稱。

○千二百五十人俱

※《楞嚴文句》卷第一云：「千二百五十人者：佛初成道，先度鹿苑五人，次度耶舍等五

十人，次度三迦葉波千人，次度舍利弗、目連等二百人。此千二百五十人，感佛深

恩，為常隨眾，今但舉大數也。俱者：師資常爾相隨，事和無別眾，法和無別理也。」

○菩薩三萬二千，文殊師利法王子而為上首。

※《觀無量壽經直指疏》云：「菩薩，具云：菩提薩埵，此云：覺有情，廣覺一切有情故。」

※《彌陀要解》云：「佛為法王，文殊紹佛家業，名法王子，菩薩眾中，智慧第一。非勇猛實智，不能證解淨土法門，故居初。」

○別序：即發起序。

※靈芝元照大師於《觀無量壽經義疏》云：「諸經緣起，隨事不同。今經乃以殺逆為發起者，略有二意：

- 一、欲彰此界眾生，極可厭惡，親生膝下，尚敢危害，況於餘人，意令末世欣樂淨土故。
- 二、為表此方機緣，非遭極苦，不念脫離求往生故，故下韋提希云：

【為我廣說無憂惱處，我當往生，不樂閻浮提濁惡世】等。」

○阿闍世：此云：未生怨。又名婆羅留支，譯曰：折指，又名善見。

○調達：提婆達多，譯曰：天熱。為斛飯王之子，阿難尊者之兄，為佛之堂弟，隨佛出家。

○頻婆娑羅：摩竭陀國王。意譯顏貌端正王、光澤第一王。其皇后為韋提希夫人。

○酥蜜和麩：酥蜜：酥酪與蜂蜜。和：（音或），攪拌、混合也。麩：炒熟的米粉或麥粉。

○八戒：即八關齋戒：一、不殺生，二、不偷盜，三不淫欲，四、不妄語，五、不飲酒，

六、不著香華鬘，亦不歌舞倡伎、不往觀聽，七、不坐臥高廣大床，八、不非時食。八關齋戒是菩提心王的紫禁城。（以下糅合懺雲老和尚《八關齋戒儀軌》）

※《優婆塞戒經》云：「受持八關齋戒，除五逆罪外，其他諸罪，悉皆消滅。」

◆受持八關齋戒，念佛發願往生極樂世界，得中品中生乃至上品上生。

○世尊亦遣尊者富樓那，為王說法。

※《觀經四帖疏》卷第二云：「此明世尊慈悲意重。愍念王身，忽遇囚勞，恐生憂悴；然

富樓那者，於聖弟子中最能說法，善有方便開發人心。為

此因緣，如來發遣為王說法，以除憂惱。」

◆富樓那：全名富樓那彌多羅尼子，譯為滿慈子，被譽為說法第一。